



USAID
FROM THE AMERICAN PEOPLE



МАКЕДОНСКИ
ЦЕНТАР ЗА
ГРАЃАНСКО
ОБРАЗОВАНИЕ



PROEKTI TAR USAID BAŠI MAŠKARETNIKANI INTEGRACIA KI EDUKACIA (PMIE)

SO LELJARGJAM DŽIAKANA?

PMIE si štareberšengiri inicijativa budžetea taro 5,2 milionia dolaria kola-laja astarde si sa o fundavne thaj maškaretne sikljovne ki Makedonia. Šerutni resarin taro PMIE si te zurarkerel i minsa thaj te arakhel turli siklane thaj tehnikano suporti thaj te motivirinel e sikljovnegere komiteten, direktoren, sikavnen thaj administracia bašo suporti e maškaretnikane integraciake ki edukacia.

Ko proekti, ko periodi april - dekemvri 2013 berš, kerdo si akava, sakone taro šatrakomponente kola maškar peste si phanle thaj džipherena pe:

KHEDINAKERE RESARIBA

- **Kreativnikane bukjarnekamre** sine kerde ko periodi taro April-Juni 2013 ko ofto alusarde sikljovne ko komune Kumanovo, Štip, Kičevo, Veles, Tetovo, Bitola, Karpoš thaj Gazi Baba resarinaja te zuraren pe džandipa thaj džanlipa e siklengje baši maškaretnikano haljovibe kreativnikane metodencar thaj leibaja than.
- **Efta promociakere čipote** - sikavibe taro teatareskoro performansi, promocija taro harno filmi thaj eksponiribe ko Štip, Veles, Skopje, Bitola, Kumanovo thaj Kičevo, sine organizirime resarinaja te promovirinen pe bukja kerde taro sikle ko maškarutne sikljovne kola lele than ko kreativnikane bukjarnekamre.
- **Forum teatareskere bukjarnekamre** sine organizirime e siklengje taro maškarutne sikljovne taro Kumanovo, Tetovo, Kičevo, Bitola, Veles, Skopje thaj Štip kola dengje po deibe ko činavibe dende teme kola reflektirinena ki akanutni situacija ko khedinengere sikljovne thaj ko edukaciakoro sistemi.
- **Štar promociakere čipote** baši karierakere zuraribaskere pučaribaskere studije sikavindor pozitivnikane egzemploja thaj praktike ko multukulturnikane firme sine organizirime ki barabarbuti štare maškarutne sikljovnenar taro komune Butel, Tetovo, Bitola thaj Strumica.
- **Dešujek ceremonie baši lentakoro činibe** sine organizirime ko sikljovne taro komune Skopje, tetovo, Žerovjane, Zletovo, Dragomance, Kumanovo, Strumica, Bansko, Bitola, Butel thaj Centar te nišankeren o kamijabalo agorkeribe taro renoviribaskoro procesi sar admi kori implementacia taro aktivipa baši maškaretnikani integracia ko sikljovne.
- **Treningo bašo treneria baši produkcija taro multimedialnikane internet saikerina ko konteksti e maškaretnikane integracijsa ki edukacia** sine organizirime grupake taro dešuduj redaktorija thaj žurnalistija resarinaja te buvljaren pe lengere džandipa baši buti sikavnenar thaj siklencar ko istemalkeribe multimedialnikano resibe kana kreirinena saikerina kola promovirinenena maškaretnikani integracia.

- **Enja treningoja baši produkcija taro multimedialnikane internet saikerina ko konteksti e maškaretnikane integracijsa ki edukacia (Terne-via-mediumia)** teli liderluko thaj mentoribe taro redaktorija thaj žurnalistija kola sine involvirime proekti baši maškaretnikani integracia ki edukacia sine ikerde baši sikavne thaj sikle taro maškarutne sikljovne taro Skopje, Štip, Bitola, Strumica, Veles, Kumanovo, Struga, Tetovo thaj Kičevo. O aktivipa sine resarinaja te den arka e sikavnenge thaj siklengje ko zuraribe taro lengere džandipa baši hazrikeribe multimedialnikane internet saikerina.
- **Enja jekhdiveskere bukjarnekamre bašo džene ko sikljovnegere integraciakere timja baši efektivno public prezentacie ko konteksti e maškaretnikane integracijsa ki edukacia** sine organizirime ko sa o sikljovne ko regionia taro Štip, Tetovo, Kumanovo, Veles, Kičevo, Bitola, Strumica, Struga thaj Skopje. O treningo zurargja džandipa e participantenge baši prezentiribe turli aktivipa thaj informiribe e khedinen ki lokalnikani digra baši pozitivnikane egzemploja tari maškaretnikani barabarbuti thaj integracia.

MASEKOSKIRI FOTOGRAFIJA



"Partnernikane aktivipa maškar duj/trin sikljovne ikerdile ki sahani phuv. Čhave tari FS "Krstе Misirkov" g.Bistrica, Bitola, FS" Kiril i Metodi" taro Tetovo thaj FS"Aleksandar Turundžiev" taro Kukurečani, Bitola bahlanencar thaj khelinencar siklile baš avereskiri kultura thaj pendžergje neve amalen."



- **Publik debate** ko pervazja taro klubia baši debata ko štar sikljovne ko pilot komune sine kerde te džal pe poadarig e tamiribaja džandipa thaj kapacitetia e siklengedebateria hazrikerindor turlu teme thaj pučiba.
- **Aktivipa ko ofto neve debatakere klubia** šurargje, kote so o sikle ko hemime saikeribe ko pervazia taro debatakere klubia šurargje kurkeskere lecie thaj bukjarnekamre kola si iradaja te zuraren o džandipa taro terne manuša baši debatiribe.
- **Intervju** sine organizirime e pendžarde akterkaja tar Albaniakoro teatari Amernis Nokšikji-Jovanovska thaj e žurnalisteja Borjan Jovanovski, bašo resarina tar ulavibe taro lengere šukar džandipa thaj egzemploja kola promovirina o turlupe tari maškaretnikani kohezija. O intervju sine avazikerdo ko buteder mediumia thaj socialnikane drakhina (networkja): <http://www.youtube.com/watch?v=dQkrEbOypMI&feature=youtu.be>
- **Šov biformalnikane arakhiba e redaktorencar thaj žurnalistencar taro mediumia** sine organizirime resarinaja te informirinen baš akanutne čhipote thaj aktivipa implementirime ko pervazja taro proekti baši maškaretnikani integracia ki edukacia. O šajdipa baši thanleibe taro proekteskere reprezententia ko javinakere thaj aver programe sar thaj ničale nevjariba taro mediumia e publikoske sine diskutirime thaj haljovkerde.



Forumi teatar bukjarnekamra ikerdi siklencar prezententi taro sa o maškarune sikljovne ko Tetovo. Akale bukjarnekamrende o sikle čhinavena dendi situacija dramatizacija. Akaja si jek taro sahno ofto bukjarnekamre ikerde ki Makedonia.

KAPACITETESKORO TAMIRIBE BAŠI SIKLJOVNAKORO MENADŽMENTI THAJ SIKAVNE

- **Pendžarkeribaskoro treningo baši neve grupe taro master treneria** sine hazrikerde baši 14 neve selektirime kandidatia baši Master treneria te šaj o participantia te haljovkeren pe e konceptea baši maškaretnikani integracia ki edukacia thaj te dikhljaren I rolja taro sikljovne ko mamujkeribe o stereotipia thaj bilačhegnde thaj aver bukja haljovibaske.
- **Treningo bašo treneria baši rolja taro sikljovnakere vastlegariba ko iraniba tari maškaretnikani integracia ki edukacia** sine organizirime resarinaja te pendžarkeren pe o participantia e roljaja taro sikljovnakere vastlegariba ki promocio tari maškaretnikani integracia ko sikljovne thaj ko khedina.
- **Hazrikeribe, implementacia thaj suporti e dujtone cikluseske treningoja bašo reprezententia ko sikljovnengoro vastlegaribe** ki dujto faza taro PMIE sine kerdo kote so efta grupe reprezententia taro fundavne thaj maškarutne sikljovne sine thanlendutne.
- **Bukjarnekamre bašo sikavne/treneria baš implementacia taro barabarutne sportia thaj bahlanakere aktivipa** e siklencar sine implementirime baši 40 sikavne taro 8 fundavne sikljovne taro komune Čair, Tetovo, Kumanovo, Resen thaj Bitola. I resarin sine te zuraren pe džandipa e sikavnenge baši praktikane talemia baš impleentacia o barabarutne rekreaciakere thaj sporteskere khelina e siklencar baš ikeribe ko čačipe I maškaretnikani integracia ki edukacia.
- **Sporti thaj bahlanakere aktivipa** sine organizirime e siklengedebateria thaj sikavnenge ki Bitola thaj Tetovo džikote I phandipaskiri čhipota sine organizirime ko stadioni ko Čair ko Skopje kote than lele ofto thanlendutne fundavne sikljovne taro Tetovo, g. Romanovce, g. tabanovce, Čair, Resen thaj Bitola. Buteder taro 360 sikle taro thanlendutne sikljovne lelethan ki akaja čhipota.
- **Bukjarnikamre e master trenerencar baši hazrikeribe o treningoja e sikljovnengere timencar baš integracia tari Faza 2** sine ikerde ko Juno 2013. O sesije baši barabarutne aktivipa sine implementirime ko majdetalnikano čhani kova šajdakergja maškarakcia e siklengedebateria kola sikljona ko turlu siklanakere čhibja (ekskurzije, sikljovnakere klubia, sporteskere aktivipa, multikulturnikane bukjarnekamre)
- **Treningoja baši sikljovnakere integraciakere timja tari faza 2** sine organizirime thaj ikerde taro master treneria baši SIT taro 190 sikljovne, I šerutni resarin taro treningoja sine o participantia te haljoven o koncepti tari maškaretnikani integracia ki edukacia sar modeli kova dela šajdipe e siklengedebateria te keren barabarutne aktivipa thaj maškarakcia e etnikane/lingvistikane hemime grupencar sikle.
- **Diseminacia bašo treningoja baši maškaretnikani integracia ko sikljovne tari dujto faza.** Ko vakti tar akava masek sine ikerde treningoja baši diseminacia ki sikljovnakiri digra taro SIT-a ko 160 sikljovne, I resarin taro treningoja sine I sikljovni te pendžarkerel pe e konceptea tari maškaretnikani integracia koja promovirina modeli baš edukacia kolea o sikle taro turlu etnikane khedina si šajdipaja te len than ko barabarutne aktivipa.
- **Treningo bašo treneria baši personali baši sikljovnakoro suporti** baši jerjengoro thanleibe ki promocio tari maškaretnikani integracia ki edukacia sine organizirime e master trenerenge-te hazrikeren olen baši treningogiri implementacia e personaleja baši sikljovnakoro suporti taro 58 pilot sikljovne baš involviribe thaj barabarbuti e jerjencar.





- **Treningo baši jerjengoro involviribe** anglunikeribaja I maškarnikani integracia ki edukacia e sahne personaleske baši sikljovnakoro suporti ko 58 pilot sikljovne sine ikerdo. Ov bajrargja I digra taro haljovibe thaj zaruri baši jerjengoro involviribe ki implementacia tar aktivipa. Jekajek, o treningoja sine organizirime efta grupenge sikle taro fundavne thaj maškarutne sikljovne tari faza 2.
- **Duj bukjarnekamre e sikavibaskre personalea taro fakultetia baši trenerengoro sikavibe** khedingje participanten te inicirinen o procesi baši maškaretnikani integracia ki učeder edukacia ki te šaj o ikeribaskoro procesi te višvankerele pe ko edukaciakoro sistemi. O participantia dikhljargje o šajdipa baš integraciakere modulia baši maškaretnikani integracia ki edukacia ko predmetia kola si sikavde ko fakultetia baši pedagogia.
- **O procesi baš inkorporacia I maškaretnikani integracia ki edukacia ko indikatora baši kvaliteti ko sikljovnakere performansia** sine agorkerdo ki barabarbuti e inspektorencar taro Inspektorati baši raštrakiri edukacia.
- **O Arkalolil “ Kvaliteti tar edukaciakoro procesi ko fundavne thaj maškarutne sikljovne ki Republika Makedonia 2012/13”** sine hazrikerdo thaj kamla pe te promovirinel pe ko MEV thaj Raštrakoro Edukaciakoro inspektorati.
- **Mentornikane arakhiba e sikljovnakere integraciakere timencar** hazrikerdije e master treneren baši legaribe barabarutne mentornikane arakhiba ko 194 sikljovne tari dujto faza. O mentornikane arakhiba suporti dengje e timenge baši hazrikeribe diseminacia taro treningoja ki sikljovnakiri digra. O dujto mentornikano arakhibe sine ikerdo e SIT-ar ko 190 fundavne sikljovne ki regionalnikani digra.
- **Pučibutno lil sine bičhaldo sa e fundavne thaj maškarutne sikljovne tari pilot faza thaj faza 2** baši jerjengoro hazribe te len than thaj te den po deibe ko PMIE aktivipa



„Sarine sijam jek, barjovaja barabar“-mesaži taro participantia ko barabarutne siklengere aktivipa maškar partnernikane sikljovne FS “Bess” taro gav Vešala, Tetovo, thaj FS „Nikola Vapcarov“ tari Strumica. KO vakti taro 2013 formirime si 52 partneriba maškar 128 sikljovne kola barabar realizirinen pe aktivipa.

MISAL-SIKAVUTNE SIKLJOVNE

- **Treningo sikavnege taro deminstriribaskere sikljovne baši pendžarkeribe thaj mujalkeribe o etnikane stereotipja thaj bilačhegnde** sine ikerde(duje grupencar sikavne) ki sakoja denostriribaskiri sikljovni.
- **Treningo jerjenge baši vazdibe lengiri mins baši MPIE thaj lengiri inkluzia ko sikljovnakere aktivipa** khedingje reprezentia taro Jerjengoro Konsili taro sa o misal-sikavutne sikljovne thaj duj reprezentia taro sikljovnakere integraciakere timja (SIT) tari sakoja demonstriribaskiri sikljovni.
- **O drama klubi** tari Gostivareskiri demonstriribaskiri sikljovni performiringja o performansi “Šurakeribe” ko Kulturnikano thaj informiribaskoro centari ko Skopje. E performance dikhle le thaj sikle tari maškarutne sikljovne “Zdravko Cvetkovski” thaj “Zef Ijuš Marku” taro Skopje
- **Treningo baši sikljovnakere integraciakere timja(SITa) taro neve monolingvalnikane misal-sikavutne sikljovne baši korkori evaluacia, koordinacia thaj monitoring taro sikljovnakere aktivipa** sine ikerdo e reprezentenge taro SITa taro fundavne misal-sikavutne sikljovne “Brakja Miladinovci” thaj “Bajram šabani” taro Kumanovo. Sine resarinaja te del pe detalnikani deskripcia taro aktivipa thaj džovapialipa baši lengiri implementacia ko sikljovne.
- **Arkalo lil baši barabarutne siklengere aktivipa** sine zurarde resarinaja te dizajnirinen pe bukjarnekamre- kompletia khelinakere aktivipa koja ka pendžarkeren thaj tamirinen grupa savi ka ovel integralno kotor taro arkalo lil baši barabarutne siklengere aktivipa.
- **Treningo sivanenge taro misal-sikavutne sikljovne baš implementacia barabarutne siklengere aktivipa** sine ikerdo ki sakoja demonstriribaskiri sikljovni, kolende sikavdije pe i metodologija baši buti e etnikane/lingvistikane hemime grupencar taro sikle
- **Treningo baši profesionalnikano servisi thaj sikljovnakoro menadžmenti taro partnernikane misal-sikavutne sikljovne baši demokratikane alusariba taro siklengere badania (klaseskere reprezententia thaj sikljovnakere reprezententia)** sine organizirime resarinaja te del pe e sikljovnege i procedura baši demokratikane alusariba taro siklengere badania.
- **Duj treningoja baši sikavne taro misal-sikavutne sikljovne baš implementacia o barabarutne siklengere aktivipa** regularnikane sikavibaskere procesea sine sikavde - jek e partnernikane missal-sikavutne sikljovnaja thaj jek e fundavne trinčhibjakere missal-sikavutne sikljovnenar sikavnenar taro štarto klasi.barabar e dženenar taro SIT thaj konsilutne ko BEZ, akciakoro plani sine kerdo baš implementacia terenskere dromariba e siklencar taro turli siklanakere čhibja.





- **Trin treningoja baši sikavne baši barabarbuti via eksperteskere badania taro predmeteskere sikavne** ikergerja pe e sikavne car kola sikavene jabane čhibja thaj dajakiri čhib ko maškarutne misal-sikavutne sikljovne, e sikavnencar taro fundavne trinečhibjengere missal-sikavutne sikljovne thaj sikavnencar taro partnernikane missal-sikavutne sikljovne. O treningo sikavgerja strategije baši zurarkeribe i barabarbuti maškar o sikavne taro turli siklanakere čhibja.
- **Bukjarne arakhiba e konsilutnencar taro BEZ** sine organizirime e konsilutnencar taro BEZ kola sine alusarde te dikhljaren thaj suportiden e aktivipange ko missal-sikavutne sikljovne. O konsilutne sine informirime ko detalja baši proekteskere aktivipa, lengiri rolja thaj savalia ko proekti.
- **Treningo sikavnenge kola dersidena literature baši trampibe sikavibaskoro materiali** saikergerja duj grupe sikavne kola dersidena literature thaj dajakiri čhib tare sa o missal-sikavutne sikljovne resarinaja te dikhljarel pe palem o sikavibaskoro materiali thaj o šajdipe baši lengoro istemalkeribe ko prezentiribe o multikulturalnikano realiteti ki phuv.
- **Pandž treningoja baši prezidentlukoja taro sikljovnakere khedina baši keribe siklengere iniciative** sine ikerde, po jek ki sakoja missal-sikavutni sikljovni/partnernikani sikljovni. I resarin sine o sikle te lekjaren o bazikano koncepti baš aktivipe ko sikljovnakere khedina thaj te zuraren pe akciakere plania baši keribe siklengere iniciative baši khedibe fondia kola ka investiren pe kit e keren pe nesave iraniba ko sikljovne.
- **Organizingje pe performansia thaj ekskurzie** ko Kumanovo thaj Kičevo. O missal-sikavutne sikljovne taro Kumanovo organizingje performansi baši maškardžijaneskoro sikavnengoro dive koleste misafirja tari partnernikani sikljovni Bajram Šabani lele than kola performiringje jek ulavdo thaj jek barabarutno aktivipe. Ko Kičevo, baši čhavengoro kurko, sine organizirime integririme performansi barabarutne sikavibaja e siklencar taro sa o siklanakere čhibja. Ola jekajek organizingje thaj

bukjarnikamra baši keribe tradicionalnikane gudle baši Kurban Bajram.

- **Treningo baši multikulturalnikane bukjarnekamre** sine organizirime baši neve implementatoria taro multikulturalnikane bukjarnekamre e sikavnencar taro sa o missal-sikavutne sikljovne. Resarin taro treningo sine te sikavel pe modeli thaj džanlipa baš ikeribe duječhibjengere bukjarnekamre kote so ko avutne treningoja o sikavutne ka simulirinen o bukjarnekamre kerde lender sar savali baši talemeskere resarina.
- **Treningo baši sikljovnakiri kulturakiri transformacia ko multikulturalizmo** sine organizirime reprezententencar taro sikljovnakoro menadžmenti ko missal-sikavutne sikljovne. O treningo sine istemalkerdo te pendžarkerel e participanten sa e aspektencar kola kamla pet e asarikeren o čhani taro sikljovnakoro funkcioniribe kit e reflektirinel ko komunakoro multikulturalnikano karakteri. I ikonografia thaj e klasengiri organizacia (smene thaj than) sine šerutne teme
- **Siklengere iniciative** sine implementirime ko modelia sikljovne kote so o sikle organiziringje sporteskere turniria ko fudbal siklengere ekipencar taro turli siklanakere čhibja, organizingje Neveberšeskiri bahlana, hazrikergerje Krečuneskere karte kola sine bikinde te kheden fondia ki te investiren ko sikljovne sar thaj khedingje reciklirime lil thaj plastika kolen jekajek bikingje.
- **Jerjengoro involviribe** lelja than ko nekobor aktivipa kola sine implementirime ko missal-sikavutne sikljovne. Ki MS "Zdravko Cvetkovski" o jerja thaj o sikle lele than ko dekoriribe o than kote so o sikle organiziringje I Neveberšeskiri bahlana. Jekajek, o jerja taro "Sande Šterjoski" lele than ki bukjarnikamra baši Neveberšeskere lačharina.
- **Memorandumi baši barabarbuti.** O memorandum baši haljovibe sine hramome taro pandž missal-sikavutne sikljovne thaj korespondiribaskere komune. O memorandum baši barabarbuti e missal-sikavutne sikljovnencar tar Ohrid planirinel pe e hramonel pe ko 2014.



Treningo baši tamiribe timeskiri buti thaj koordiniribe aktivipa baši džene ko SIT fundavno modeli sikljovne, ikerde ko Skopje.



Integririme sikljovnakere manifestacie ko butederčhibjengoro FS „Bratstvo Edinstvo“, tar Ohrid. Sikle taro turli siklanakere čhibja barabar kergje kreativna produktia.

MOTIVIRIBE E SIKLJOVNEN

- **Treningo baši sikljovngoro ikeribe-avgo kotor** sine ikerdo reprezententenge taro timja baši sikljovngoro renoviribe taro sa o alusarde sikljovne baši renoviribe ko periodi taro 2013. O fokusi taro treningoja sine ki identifikacia o zaruria baši renoviribe, definiribe o prioriteta thaj hazrikeribe o aplikacie baši renoviribe.
- **Kutie alatencar baši renoviribaskere sikljovne** sine kinde thaj dende e alusarde sikljovne baši renoviribe ko 2013. Akala kutie alatencar si iradime baš ikeribe ko renoviribaskere sikljovne.
- **Resibaskere rampe ko štar pilot sikljovne** sine tamirkerde dženenge badanikane sakatlukoja ko 4 sikljovne sola sine renovirime ki pilot faza.
- **Treningo baši sikljovngoro ikeribe-dujto kotor** sine kerdo e alusarde sikljovne baši renoviribe ko periodi taro 2013. O fokusi taro treningoja sine čhivdo ko hazrikeribe beršeskere plania thaj budžeti baš ikeribe e sikljovngore objektia. Akale treningonde than lele 77 džene, repretentia taro timja baši sikljovnakoro renoviribe.
- **Avazikeribe public tenderia baš alusaribe tamiribaskere firme** saikergje hazrikeribe tari dokumentacia tendereske thaj avazikeribe baši renoviribe sine avazikerdo ko duj diveskere gazette Dnevnik thaj Koha(Makedonikani thaj Albanikani) thaj ki veb rig taro Proekti baši sikljovne alusarde baši renoviribe ko 2013.
- **Evaluacia taro tamiribaskere firme baši renoviribe** saikergje intervjuja e avga trine rangirime firmencar baš implementacia taro proekti ko alusarde sikljovne.
- **Alusaribe licencirime firme baši keribe upridikhin e implementaciake** sine kerdo e zarurengje taro renoviribaskere procesia tar alusarde sikljovne.

- **Memorandumi baši barabarbuti** sine hramome sa e sikljovncar thaj komunencar.
- **Evaluacia thaj alusaribe firme baši renoviribaskiri implementacia** sine kerdi e majšukar rangirime trine firmencar. O majšukar deibaskere dendutne sine alusarde thaj o rezultati tari tendereskiri procedura sine publikuime ko <http://pmio.mk/category/tender-results/>.
- **Alusaribe licencirime firme baši keribe upridikhin upral o tamirkeribe.** Deibaskere rodipa sine dende baš upridikhin upral i implementacia taro štar proektia. O deiba sine lende thaj o firme sine alusarde baš upridikhin tari proekteskiri implementacia ki Vinica, Veles, Staro Nagoričane thaj Kumanovo.
- **Hramome sine phanlelafia e tamiribaskere firmencar thaj firmencar baš upridikhin upral implementacia taro proekti baši renoviribe deš sikljovnen.**
- **Pendžarkeribe e bukja** sine organizirime ko deš sikljovne kolea nišankergja pe o šuru taro renoviribaskere aktivipa ki phuv.
- **Tehnikano leljaribe** sine kerdo ko sa o lokhakeriba thaj arakhiba sine organizirime e phanlelafeskere rigencar, e upridikhinakere rigencar, e sikljovnakere reprezententencar thaj komunencar.
- **Bukja baši sikljovnakoro ikeribe** thaj arkalo lil baš istemalkeribe sine dende sa e renoviribaskere sikljovne.
- **Masekoskere arakhiba baši dikhlaribe i buti baši sikljovngoro ikeribe** sine organizirime e sikljovngore sekretarencar thaj tehnikane personalea baši dikhlaribe i buti baš ikeribe ko missal-sikavutne sikljovne.
- **Mentornikane arakhiba** sine organizirime ko šov sikljovne resarinaja te dikhljarel pe i buti taro sikljovne phanle e hazrikeribaja beršeskere plania thaj budžetia baš ikeribe ko čačipe.



I renovirime FS „Nikola Karev“ taro Kočani si jek taro dešujek sikljovne renovirime ko 2013 berš. I sikljovni „Nikola Karev“ sine kompletno renovirime ko vjavahari e avgune haleja šukrikerindor e partneribaske maškar PMIE, Ministeriumi baš edukacia thaj vigjani, Komuna Kočani thaj i sikljovni.

Adžikeraja tumare paramisia, čhipote, nevipa...

Kontaktirinen amencar thaj ulaven ki adresa: ul. Kozle 1-b, 1000 Skopje, info@mcgo.org.mk

INFORMATORI

Dekemvri 2013

DIREKTIKANE TARO PMIE

6



Barabarutne sporteskere thaj bahlanakere aktivipa ki FS „Adem Jašari“ komuna Čair.



Kreativna participantia ko treningo baši modeli sikljovne.


DŽANGJEN LI?

Interesno koincidencia. Ko 13 noemvri, 2013, i Facebook patrin tar USAID Makedonia reslja dži po 13,000 fani ko 13:00 o ari.



Total Page Likes as of Today: 13,000

11/13/2013



O proekti tar USAID baši maškaretnikani integracia ki edukacia si implementirime ko partneribe efta lokalnikane organizaciencar: Centari baši manuškane nijamia thaj činavibe konflikitia, Ljoja, Sumnal, Multimedia, Mi kariera, Makedoniakoro instituti bašo mediumia thaj Ternikano edukaciakoro forumi.

ISTEMALKERIBASKERE HARNE NASIJATIA

Amaro web-portali
www.pmio.mk

Dela tumenge informacie phanle e Proektea tar USAID baši maškaretnikani integracia ki edukacia- čhipote, paramisja thaj turli šajdipa, hazrikerde thaj šajdakerde taro proekteskoro timi thaj amare bukjarne.

Akharaja tumen te vizitkeren ola!

Amen sijam thaj odorig amare kamijabale paramisjencar!

DISO BIDAJATVIME TARO PMIE



Sikle tari FS“Stiv Naumov“ki, Bitola, čhipota taro utsavalo činibe lenta koleja nišankergja pe o agor taro procesi tar akale sikljovnakoro renoviribe. Akaja si jek taro dešujek utsavale čhipote ikerde ko 2013.

O informacie dende ko akava informatori nane oficialnikane informacie tari Radži tar UAR thaj na sikavena o dikhina ja stavia tari Agencia tar UAR baši maškardžijaneskoro zuraribe ja Radži tar UAR.